

■ GLOSSA

Da lobists ed auters bovists

DA SILVIO CAMENISCH

Gea, nus avain ina ferma lobi da chauds en il Vatican ed er dator. Quai è uschia, di il Franz al Benedict. Pertge betg, sch'i fa bain! Tira or tia chauda giacca da skis, Beni, i dat sulegl. Gea, nus avain adina presumà ch'i dettia en nossas ritschas stretgas lobists ed auters bovists. Nus n'avain mai snegà l'existenza presuntiva d'ina rait da chauds cun ferma influenza entaifer noss stadi pon ti fic al, di il Franz. El fa in spass da spidar silbas ordlonder, el ristga. (Na ristgass jau betg, in spass da spidar silbas uschia ordlonder.)

Idat er uraziun. I dat er corrupziun, quai è uschia, di il Franz. L'exceptiun conferma gea la regla. Il Franz tira or ses chalzeruns da purs latin americans (nr. 56) plain merda da la Val Purchèra sco quai ch'ils vegls lobists dad ella, la val, vulan avair numnà ella a moda durabla. Milli onns fidaivladad probabla ad ella, la purchèra, gugent anc ina giada.

Gea, dator enturn la Lia, la rumantscha, avain nus furmà ina rait da lobists pussanta cunter ella. Tgi che n'è betg (pli) per ella, è cunter ella, quai è uschia. I ha dà ina epoca



bella che jau, betg mo jau!, sun stà cun ella ed en ella e tras ella, la Lia. Uss van auters là en ed or, en ed or. Nus lobain cunter quels chaus incapabels, wir lobbyieren gegen diese unfähigen Köpfe, weil wir es uns wert sind. Bain. I dat er discussiun. I dat er corrupziun, di in da num dals lobists. Ussa, tuts lobists han in num. Di co che ti has num, di jau es ti in lobist.

Qua, nossa unica tratga da bovists, radunds e bels, èn tschalers da l'hotel Rustico, di il maister tschalerer da la tratga. Qua essan nus stads pli sperts ch'il chantun. Ina tratga d'asilants na sa cumporta betg bain cun noss bel lieu turistic, fin dato liber da da «quels»! N'avain nus Libers! libers! da qua betg lobà in extremis per in turissem liber da da «quels», cunter il chantun! Cunter

il chantun lobeschan anc auters lobists, jau crai per ina cultura da tur illuminanta, Leuchtturmkultur, u tgenina?

Numnain nus ella gruppa d'interess u ferma suga, quella lobi? Egal. Mintgin dovra sia lobi (sia insla na dovra betg pli mintgin, è stà ier) vul el cuntanscher il climax en la cultura en general, la litteratura mumentana en spezial, crai a mai, sco quai ch'ella vegn da qua nà. Ella vegn purtada sin da bleras sorts givels da bleras sorts amis e parasits, crai a mai, sco a ses temp il mister Svizra e l'iceman da ski alpin, e tut ils zains tutgan: per annunziar, adurar, animar e turnar a far.

Ils gidanters e gidanters da gidanters e fissgugent èn mes sherpas, jau sun l'Ueli Steck. Jau vi tut ils records! Ins duai urar, duai lobar per mai. Oje. Si qua tranter il champ 1 e champ 2 vegni tar charplina sin vita e mort. Quels vulan mazzar mai, mai! Quels èn sa furmads sco gruppa d'interess fitg aggressiva cunter mai, avant eran quels per mai! Tge midada d'opiniun e religiun han quels uss fatg? Han quels consumà opium u tge? Tge malengraziaivla Rumantschia, jau manegel sherparia uffiziala!